

神武軍遂亂以此西魏軍得全而返

杜氏通典卷第一百五十終

杜氏通典卷第一百五十一

兵四

間諜

行師先在量力不可窮兵

臨敵易將

軍政不一必敗

軍無政令敗

推誠

示信

示義

孫子曰用間有五有鄉間有內間有反間有死間有生間五間俱起莫知其道是謂神紀鄉間者因其鄉

人而用之者也因敵鄉人知敵表裏虛實之情故就而用之者可使伺候也內間

者因其官人而用之者也因其在官失職者若刑戮之子孫與受罰之家也因

其有隙就反間者因其敵間而用之者也敵使間來視我我知



通典卷一百五十一

之用厚賂重許反使為我間也蕭世誠曰言敵使人來候我我佯不知而示以虛事前却期會使歸相語故曰死間者為誑事於外令吾間知之而傳於敵間者也誑詐誑之事於外佯漏泄之使敵間知之吾間所行不然間則死矣又云敵間來間我誑事以節歸然皆非所圖也三間皆不能知幽隱深密故曰死間也蕭世誠曰所獲敵人及已叛亡軍士有重罪繫者故為貸免相勅勿洩佯不秘密令敵間竊聞之吾因縱之使亡去必歸敵敵信焉往必死故曰死間生間者反報者也才智謀能自間通於敵之親貴察其動靜知其事計彼所為已知其實還報故曰生間其故三軍之事莫親於間若不親無重以錄賞則賞莫厚於間其用事莫密於間則為已害非聖智莫能用間不能得用非仁義莫能使間非微密者不能得間之實密而不用事未發而先聞者聞與所告者皆死凡軍之所

欲擊之軍城之所欲攻之城者人之所欲殺之

人必先知其守將左右謁者門者舍人之姓名守其

職任者謁告也先告事者也門者守門者也舍人守

舍之人也必先知之為意外有意則呼之則不見可

畏亦因此令吾間必索知之敵間之來間我者因以

利道而舍之復道而舍止之可令詭其辭故反間可

得而用也間而用之因是而知之故鄉間內間可

得而使也間內間者皆可得使因是而知之故為

誑事可使告敵因是可得而攻也生間往返可使知

其敵之腹因是而知之故生間可使如期五間之事

主必知之入主當知五間之財知之必在於反間故反

間不可不厚也反間五間之本事之昔伊呂之在夏



殷為殷周反間豈不重之哉故明主賢將能以上智為間者必成大功此兵之要三軍所恃而動者也

間謀

春秋時楚師伐宋九月不服將去宋楚大夫申叔時

曰築室反耕者宋必聽命楚子從之築室於宋分兵於田示無去志

王從宋人懼使華元夜入楚師登子反之牀起之曰

寡君使元以病告兵法因其鄉人而用之必先知其守將左右謂者門者舍人之姓名

因而利導之華元蓋曰弊邑易子而食折體以爨雖

然城下之盟有以國斃不能從之寧以國斃不從城下盟去我

三十里唯命是聽子反懼與之盟而告楚子退三十

里宋及楚平華元若不因間謀無由得入楚軍○戰國鄭武公欲伐

胡先以其子妻胡因問羣臣曰吾欲用兵誰可伐者

大夫開思期曰胡可武公怒而戮之曰胡兄弟之國

子言伐之何也胡君聞之以鄭為親已不備鄭襲胡

取之此用死問之勢○戰國燕昭王以樂毅為將破齊七十

餘城及惠王立與毅有隙齊將田單乃縱反間於燕

宣言曰齊王已死城不拔者二耳樂毅畏誅而不敢

歸以伐齊為名實欲連兵南面而王齊齊人未附故

且緩師使他將來即墨殘矣燕王以為然使騎劫代

毅燕人士率離心單又縱反間曰吾懼燕人掘吾城

外塚墓音戮先人燕軍從之即墨人激怒請戰大敗

燕師所亡七十餘城悉復之○戰國秦師圍趙闕與

趙將趙奢救之去趙國都三十里不進秦聞來奢善食

籍遣之間以報秦將以為奢師怯弱而不行奢隨而

卷甲趨秦師擊破之具示緩篇此則○戰國秦與趙兵

相拒長平趙孝成王使廉頗為將固壁不戰秦數挑戰

廉頗不出秦之間言曰秦之所患獨畏馬服趙奢之子

為將耳趙王信之因以奢子為將終為秦將白起所敗

○楚漢相持未決勝負陳平言於漢王曰彼項王骨鯁

之臣如亞父范增鍾離末龍且周殷之屬不過數人大

王誠能出捐數萬斤金行反間其君臣以疑其心項王

為人意忘信讒必內相誅漢因舉兵而攻之破楚必矣

漢王然之遂出黃金四萬斤與平恣所為不問出入既

多以金縱反間於楚軍宣言諸將鍾離末等為項王將

功已多矣然終不得裂地而王欲與漢為一滅項氏

分王其地項王果疑之使使至漢漢為大牢之具舉

進見楚使舉鼎俎即佯驚曰吾以為亞父使乃項王

使也後持去以惡草具進楚使去太平因更使歸具

報項王項王果大疑亞父亞父欲急擊下滎陽城項

王不信不肯聽亞父亞父聞項王疑之乃大怒曰天

下事大定矣君王自為之願賜骸骨歸歸未至彭城

疽發背而死漢遣紀信詐降而漢王宵遁終滅項羽

羽不悟反漢使酈食其說齊王田橫捨兵與酈生縱

酒漢將韓信因齊無備襲齊破之田廣烹食其此偶成韓

信用死間之勢○漢高帝被匈奴單于冒頓圍於白登乃使
 間厚遺閼氏乃謂冒頓曰兩主不相困今得漢地而
 單于終非能居之且漢主亦有神單于察之冒頓乃
 解圍之一角於是高帝令士皆持滿傳矢外嚮從解
 用直出竟與大軍合而冒頓遂引兵而去○後漢西域
 將兵長史班超發于闐諸國兵擊莎車龜茲二國揚言
 兵少不敵罷散乃陰緩王口歸以告龜茲王喜而不虞
 超即潛勒兵馳赴莎車大破降之具聲言退誘敵破之
 之篇斯亦同死間
 勢○晉益州牧羅尚遣將愧伯攻蜀賊李雄於郫城
 互有勝負雄乃募武都人相泰鞭之見血使誦羅尚
 欲為內應以火為期尚信之悉出精兵遣愧伯等率



兵從泰擊雄將李驥於道設伏泰以長梯倚城而
 舉火作軍見火起而爭緣梯泰又以繩汲上尚軍百
 餘人皆斬之雄因放兵內外擊之大破尚軍此用內
 間之勢
 ○十六國後涼呂光將呂延伐乞伏乾歸大敗之乾
 歸乃縱反間稱眾潰東奔成紀延信而追之延司馬
 耿稚曰告者視高而色動必有姦計不可延不從相
 過戰敗死之具聲言退誘敵之篇斯
 亦同班超破莎車之勢○東魏將段
 琛據宜陽遣將牛道常扇誘邊人西魏將韋孝寬拒
 之遣謀人訪復道常手迹令善書者偽作道常與孝
 寬書論歸款之意又為落燼燒迹若火下書者還令
 謀人遺之於琛管琛得書果疑之道常所經略皆不

見用孝寬知其離沮因出奇兵掩襲道常及琛等嶠

澗遂清澗音○東魏大將齊神武率兵趣沙范西魏

大將周文帝遣達奚武覘之武從三騎皆衣敵人衣

服至日暮去營數百步下馬潛聽行軍期號因上馬

歷營若警夜者有不如法者徃徃撻之具其聽之情

狀以告周文帝齊斛律光字明月為當時名將後周

將韋孝寬守玉壁今絳郡魏山縣忌光英勇孝寬參軍曲嚴

頗知卜筮謂孝寬曰來年齊朝必大相殺戮孝寬因

令嚴作謠言令間諜漏其文於鄴曰百升飛上天明

月照長安又曰高山不推自崩櫺樹不扶自豎祖珽

因續之曰盲老翁背上下大斧饒舌老母不得語令

小童歌之於路穆婆提聞之以告其母陸令萱令萱

以饒舌斥已也陸令萱即後主乳母盲老翁謂祖珽也遂相與

協謀以謠言啓後王誅光周武帝聞之遂大赦境內

始有滅齊之志竟平其國○大唐衛公李靖伐厥突

頡利可汗以唐儉先在突厥結和親突厥遂不備靖

因掩擊破之亦以唐儉為死間之勢○李靖兵法曰夫戰之取

勝皆豈求之於天地乎在因人以成之歷觀古人之

用間其妙非一卽有間其君者有間其親者有間其

賢者有間其能者有間其助者有間其鄰好者有間

其左右者有間其縱橫者故李貢史廖陳珍蘇秦張

儀范雎等皆憑此術而成功也且間之道其有五焉

有因其邑人使潛伺察而致詞焉有因其仕子故洩
虛假令告示焉有因敵之使矯其事而返之焉有審
擇賢能使覘彼向背虛實而歸說之焉有佯緩罪戾
微漏我偽情浮計使亡報之焉凡在五間皆須隱祕
重之以賞密之又密使可行焉若敵有寵嬖任以腹
心者我當使間遺其珍玩恣其所欲順而徬誘之敵
有重臣失勢不滿其志者我則啗以厚利詭相親附
探其情實而志之敵有親貴左右之多詞夸誕好論
利害者我則使間曲情尊奉厚遺珍寶揣其所間而
反間之敵若使聘於我我則稽留其使令人與之共
處矯致殷勤爲相親暱朝夕慰喻倍供珍味觀其辭

色而察之仍朝暮令使獨與已伴居我遣聰明者潛
於複壁中聽其所間使既遲違恐彼恠責必是竊論
心事我知計遣使而用之且夫用間以間人人亦用
間以間已彼以密來理須獨察於心參會於事則不
失矣若敵使人來欲候我虛實察我動靜覘知事計
而行其間者我當佯爲不覺舍其厚利而苦啗之微
以我偽言誑事示以前却期會卽我之所須爲彼之
所失者因其有間而反間之彼若將我虛而以爲實
我卽乘其弊而得其志矣夫水所以能濟舟亦有因
水而覆沒者間所以能成功亦有憑間而傾敗者若
束髮事主當朝正色忠以盡節信以竭誠不詭伏以

自容不權宜以爲利雖有善聞其可用乎

行師先在量力不可窮兵

春秋時息侯伐鄭鄭伯與戰于境息侯大敗而還君

于是以知息之將亡也不度德鄭莊不量力息國不

親親鄭息同不徵辭不察有罪辭言語相恨當明微其

闕犯五不韙而以伐人其喪師也不亦宜乎鬼反音平

○漢武帝患匈奴屢爲邊患鴈門馬邑豪轟一因大

行王恢言匈奴初和親親信邊可誘以利致之伏兵

襲擊必破之道也帝召問公卿曰今欲舉兵攻之何

如韓安國曰臣聞高皇帝圍於平城匈奴至日投鞍

高如城者數所平城之畿七日不食天下歌之解圍

之後而無忿怒之心夫聖人以天下爲度者也不以

私怒傷天下之政故乃遣劉敬奉金千斤結和親至

今爲五世利孝文皇帝又嘗一擁天下精兵聚之廣

武終無尺寸之功而天下黔首無不愛者孝文悟於

兵之不可宿故復固和親之約此二聖之跡是以爲

效矣竊以爲勿擊爲便漢元帝時朱崖儋耳二郡夷

數反賈捐之上書請不擊使其畧曰臣聞堯舜禹三

聖之德地方不過數千里西被流沙東漸于海朔南

暨聲教欲與聲教則治之不欲與者不強治也是以

頌聲並作視聽之類咸樂其生秦氏興兵遠攻貪外

虛內務欲廣地而天下潰叛賴聖漢爲百姓請命平

定天下至孝武皇帝以國富人逸攘却匈奴西通諸國至于安息東過碣石造鹽鐵酒榷之利以佐用度猶不能足當此之時寇盜並起征伐不休之故也今陛下不忍悁悁之忿欲毆士衆擠之大海之中悁居緣反快心幽冥之地非所以保全元元也詩云蠢爾荆蠻大邦為讎自古患之久矣何況乃服其南方萬里之蠻乎臣竊以往者羌軍言之暴師曾未一年兵出不踰千里費四千餘萬大司農錢盡乃以少府禁錢續之夫一隅為不善費尚如此况於勞師遠攻亡士無功乎臣愚以為非冠帶之國禹貢所不及皆可且無以爲於是遂罷其郡具邊防○後漢光武上書請臨

縣構賞諭告高句麗烏桓鮮卑攻其左發河西四

郡及天水隴西羌胡擊其右如此北虜之滅不過數

年矣帝曰舍近謀遠者勞而無功舍遠謀近者逸而

有終故曰務廣地者荒務廣德者強有其者安貪

人有者殘殘滅之政雖成必敗今國無善政災變不

息百姓驚惶人不自保而復遠事邊外乎孔子曰吾

恐季孫之憂不在顓臾自是諸將莫敢復言兵事具邊

防內如篇○魏將諸葛誕據壽春反魏將王基討之司馬

文王欲遣諸將輕兵深入招通吳將唐咨等子弟因

釁有蕩覆吳之勢基諫曰昔吾將諸葛恪乘東關之

勝竭江表兵以圍新城城既不拔而衆死者大半蜀

將姜維因洮上之利輕軍深入糧餉不繼軍覆上邽
夫既勝之後輕敵則慮難不深今賊新取於外又內
患未弭是其後改設慮之時也且兵出踰年人有歸
心今俘馘十萬罪人斯得自歷征伐未有全兵獨克
如今之盛者也昔武皇帝破袁紹於官渡自以所獲
已多不復追奔懼挫威也從之○宋文帝勵精爲治
俗阜人康元嘉數十年間比漢之文景自以財殷力
盛遂經略中原命王玄謨等大舉北伐遂至後魏大
武親率二十萬衆至於瓜步喪師蹙國斯不量力黷
武之謂也○陳宣帝卽位數年遣吳明徹率師十萬
渡江盡克淮南之地息師不二三載更改後周之彭

城大敗於呂梁明徹并將卒並沒江右削弱自此之
由斯亦不量力而黷武窮兵之累也○後周武帝伐
齊軍次并州齊將安德王延宗擁兵四萬出城拒帝
帝率諸軍合戰齊人退帝乘勝逐北率千餘騎入城
東門令諸軍繞城置陳至夜延宗率其衆排車而前城
中軍却人相蹂踐大爲延宗所敗死傷略盡齊人欲閉
門以閫下積屍靡不得闔帝從數騎崎嶇危嶮僅乃得
出至明率諸軍更戰大破之擒延宗并州平

周武窮兵
幾於不濟

臨敵易將

戰國燕昭王使將樂毅下齊七十餘城唯莒卽墨二
城未下惠王嗣立以騎劫代毅遂爲齊將田單所敗

得齊地復歸於齊。秦師伐趙，趙王使廉頗禦之，頗固壁不戰。趙王惑秦之間，以趙奢之子代頗。趙師大敗。○晉鎮南將軍杜元凱都督荊州諸軍事，襲吳西陵督張政。西陵，今夷陵郡。大破之。政吳之名將，據要害之地，恥無備，取敗。不以實聞于孫皓。元凱欲間吳邊將，乃請還其所獲之衆於皓。皓果召政，遣武昌監劉憲代之。故晉軍將至，使其將師移易，成傾蕩之勢，竟殄滅焉。皓不悟，致敗。後周末，隋文帝作相，尉遲迴據相州，舉兵。隋文帝遣郎公韋孝寬爲東道元帥，師次沁。音土，反。水漲，未得渡。長史李詢上密啓云：大將梁士彥、宇文欣、崔弘渡等并受尉遲迴餽金，軍中盛盛人情大

異。文帝以爲憂，欲代此三人。李德林獨進計云：公與諸將並是國家貴臣，未相伏馭，今以挾令之威，使得之耳。安知後所遣者能盡腹心前遣之人，獨致乖異？又取金之事，虛實難明，卽令換易，彼將懼罪，恐其逃逸，便須禁錮。然則郎公以下必有驚疑之意。且臨敵代將，自古所難。樂毅所以辭燕，趙奢之子所以致敗於趙，如愚所見，但遣公一腹心，明於智略，爲諸將舊所信服者，速至軍所，觀其情，僞縱有異意，必不敢動。文帝大悟，卽令高潁馳驛往軍所，爲諸將節度，竟成大功。隋文帝悟之而勝。

孫子曰：將在軍，君命有所不受。苟便於事，不徇於君命也。故曰不從中御。

軍政不一必敗

春秋時楚子伐鄭晉師救之楚子北師次于邲邲地也

音聞晉師濟河楚子欲還伍參言於楚子曰參倉反晉

之從政者新未能行令其佐先穀剛愎不仁未肯用

命其三帥者專行不獲行欲專其所不得聽而無上眾誰適

從此行也晉師必敗楚改乘轅而北之次於管以待

之晉師在敖苦高反之間晉魏錡求公族未得欲為公族

大而怒欲敗晉師請致師不許請使許之遂往請戰

而還趙旃求卿未得旃趙旃請挑戰不許請召盟許之

與魏錡皆命錡魏錡卻克曰二憾往矣弗備必敗隨會

曰若二子怒楚楚人乘我喪師無日矣乘德也不如備

之楚之無惡除備而盟何損於好若以惡來有備不

敗且雖諸侯相見軍衛不徹警也徹去也先穀不可不肯

備設隨會使鞏朔韓穿帥師覆乎敖前師將也覆謂故

上軍不敗而中軍下軍皆敗績○春秋時吳師伐楚

州來楚救之吳人禦諸鍾離楚將子瑕卒楚師燔音

吳楚之間謂火滅為燔軍中重吳楚之間謂火滅為燔軍中重吳將公子光曰諸侯

從於楚者眾而皆小國也畏楚而不獲已是以來吾

聞之作事威尅其愛雖小必濟起勝也軍胡沈之君

幼而狂性無常陳大夫齧壯而頑頓與許蔡疾敵楚大

將死其師燔遂越為帥帥賤多寵政令不一越非正

多寵人政令不一於越也遠為委反七國同役而不同心楚頓胡沈帥

賤而不能整無大威命楚可敗也先分師以犯胡沈
與陳必先奔諸侯之師乃搖心矣諸侯乖亂楚必大
奔請先者去備薄威示之以不整以誘之後者敦陳整旅敦吳
子從之戰于雞父音甫吳子以罪人三千先犯胡沈與
陳囚徒不習戰以示不整三國爭之吳為三軍以擊於後中軍
從王光帥右軍掩餘帥左軍吳之罪人或奔或止三
國亂吳師擊之敗獲胡沈之軍及陳大夫舍胡沈之
囚使奔許與蔡頓曰吾軍死矣師譟而從之三國奔
三國許蔡頓楚師大奔○後漢末曹公擊馬超始賊每一
部到公輒有喜色賊破之後諸將問其故答曰關中
長遠若賊各依險阻征之不一二年可定也今督來

集其眾雖多莫利歸伏軍無適的主一舉可滅為功
甚易吾是以喜

軍無政令敗

後魏末原州人且盧狼害都督大野樹兒等據州城
反州人李賢乃招集豪傑謀曰賊起倉卒便誅二將
其勢雖勝其志已驕然其政令莫施惟以殘剝為業
夫以羈旅之賊而驅烏合之眾勢自離解今若從中
擊之賊必喪膽如吾計者指日取之眾皆從焉賢乃
率敢死士三百人分為兩道乘夜鼓譟而出羣賊大
驚一戰而敗狼遁走追斬之

推誠

後漢更始初光武爲蕭王定河北諸賊銅馬餘衆降封其渠帥爲列侯降者猶不自安光武知其意各歸營按兵乃自乘輕騎按行部陳降者更相語曰蕭王推赤心置人腹中安得不投死乎投死猶言致死由是皆服○東晉末劉道規爲荊州刺史桓玄餘黨荀林屯江津桓謙軍枝江二寇交逼已絕都邑之間荆楚旣判桓氏義舊並懷異心道規乃會將士告之曰桓謙今在近畿聞諸軍頗有去就之計吾東來文武足以濟事若欲去者本不相禁因夜開城門達曉不閉衆咸懾服莫有去者○西魏將王羆之守華州也今馮翊郡西魏師與東魏師戰於河橋不利東魏降卒趙雀據

長安城所在莫有固志羆乃大開州門召州中軍民謂之曰如聞天子敗績不知吉凶諸人相驚咸有異心王羆受委於此以死報恩諸人若有異圖可來見殺必恐城陷沒者亦任出城如有忠臣能與王羆共心者可共固守軍民見其誠信皆無異志

示信

春秋時晉文公圍原命三日之糧原不降命去之謀出也謀間曰原將降矣軍吏請伐之公曰信國之寶也人之所庇也得原失信何以庇之所亡滋多退一舍而原降○晉文公伐楚歸國行賞狐偃爲首或曰城濮之事先軫之謀文公曰城濮之事偃說我無失信

不肯三舍之約先軫所謀軍士吾用之以勝然此一
時之說偃言萬世之政奈何以一時之利而加萬世
之功乎是以先之衆皆悅服○魏明帝自征蜀至長
安遣張郃諸軍勁卒四十餘萬向劔閣諸葛亮有戰
士五萬二千更下者八千時魏軍始陳翻兵適交亮
參佐咸以敵衆強多非力所制控權停下兵并聲勢
亮曰吾聞用武行師以大信爲本得原失信古人所
惜去者束裝以待期妻子企踵而計日乃勅陳遣於
是去者感悅願留一戰往者憤踊咸思致命臨軍之
日莫不拔刃爭先以一當十殺張郃却司馬宣王一
戰大剋此之由也

示義

春秋時晉將荀吳伐鮮虞圍鼓鼓白狄種鼓人或請以
城叛吳曰吾聞諸叔向好惡不愆人知所適事無不
濟愆過適歸或以吾城叛吾所甚惡也人以城來吾獨何
好焉賞所甚惡若所好何無復加所好若其費賞是失信
也何以旆民力能則進不能則退量力而行吾不可
以欲城而適茲也所喪滋多使鼓人殺叛人而繕守
備圍鼓三月鼓人或請降使其民見曰猶有食也姑
脩而城軍吏曰復城而不取勤人而頓兵何以事君
吳曰所以事君也獲一邑而教民怠將焉用邑邑以
賈怠不如完舊完猶保守也賈音古賈怠無卒也棄舊不祥鼓

人能事其君我亦能事吾君幸義不爽好惡不愆城

可獲而民知義其能獲故因以示義

有死命而無二

心不亦可乎鼓人告食竭力盡而後取之剋鼓而返

不戮一人○秦末天下兵起范增說項梁曰陳勝敗

固當夫秦滅六國楚最無罪自懷王入秦不返楚人

備之至今故楚南公曰楚雖三戶亡秦必楚今陳勝

首事不立楚後而自立其勢不長今君起江東楚蜂

起之將皆爭附君者以君世世楚將為能復立楚之

後也乃求楚懷王以從民欲○漢楚相持之際項羽

擊陳留外黃不下數日降羽悉令男子年十五以上

皆城東欲坑之外黃令舍人兒年十三

其父往說羽曰彭越強劫外黃

掌反外黃恐故且

降大王大王至又坑之百姓豈有所歸心哉從此以

東梁地十餘城皆恐莫肯下矣羽然其言乃赦外黃

當坑者而東至睢陽聞之皆爭下○漢王至洛陽新

城三老董公遞說漢王以義帝死請發喪漢王從之

遂為義帝發喪袒而大哭哀臨三日發使告諸侯曰

天下共立義帝北面事之今項王放殺義帝江南大

逆無道寡人親為發喪兵皆縞素悉發關中兵收三

河士南浮江漢以下願從諸侯王擊楚之殺義帝者

於是諸侯多從之○晉征南大將軍督荊州諸軍事

每與吳人交兵剋日方戰不爲掩襲之計將帥有欲
進謫詐之策者輒飲以醇酒使不得言人有掠吳二
兒爲俘者祜遣送還其家後吳將夏詳邵顛等降二
兒之父亦率其屬與俱吳將潘景陳尚來寇祜追斬
之而美其死節厚加殯殮景尚子弟迎喪祜以禮遣
還吳將鄧香掠夏口祜募生縛香旣至宥之香感其
恩率部曲而降祜出軍徇吳境刈穀爲糧皆計所侵
送絹償之每會衆江河遊獵常止晉地若獸先爲吳
人所傷而爲晉兵所得者皆封還之於是吳人翕然
悅服稱爲羊公不之名也祜與陸抗相對使命交通
抗稱祜之德雖樂毅諸葛孔明不能過也抗常病祜

饋之藥抗服之無疑心人多諫抗曰羊祜豈醜人者
時談以爲華元子反復見於今抗每告其戍曰彼專
爲德我專爲暴是不戰而自服也○東晉末宋武帝
爲將北伐後秦姚泓以檀道濟爲前鋒至洛陽凡拔
城破壘俘四千餘人議者謂應以戮爲京觀道濟曰
伐罪弔民正在今日皆釋而遣之於是民夷感悅相
率歸之者甚衆○後魏遣將慕容白曜伐宋無鹽城
剋之將盡以其人爲軍實副將酈範曰齊西履之地
號爲東秦不遠爲經略恐未可定也今皇威始被人
未霑澤連城有懷貳之將比邑有拒守之夫宜先信
義示之軌物然後人心可懷三州可定白曜從之進

次肥城白曜將攻之範曰肥城雖小攻則淹日得之無益軍聲失之有損軍勢且見無鹽之卒死者塗炭成敗之機足爲鑒矣若飛書告諭可不攻自伏縱其不降亦當逃散白曜乃以書曉之肥城果潰○隋桂州人李光仕舉兵作亂隋將周法尚討之光仕師勤勁兵保白石洞法尚捕得其弟光畧光度大獲家口其黨有來降附者輒以妻子還之居旬日降其數千人法尚遣兵列陳以當光仕親率奇兵蔽林設伏兩陳始交法尚馳擊其柵柵中人皆走散光仕大潰追斬之○大唐武德中李靖既剋江陵降蕭銑時諸將咸云銑之將師與官軍拒戰罪狀旣重請籍沒其家以賞將士靖曰王者之師義存弔伐百姓旣受驅逼拒戰豈其所願且夫吠非主無容同叛逆之科此蒯通所以免大戮於漢祖也今所定荆郢宜弘寬大以慰遠近之心降而籍之恐非救焚拯溺之義但恐自此以南城鎮各望守不下非計之善於是遂止江漢之城閭之莫不爭下



杜氏通典卷第一百五十一

兵五

撫士 明賞罰

賞宴不均致敗

行賞安衆

分賞取敗

行賞招降

示惠招降

軍帥志堅必勝

軍將驕敗

敵屢勝驕不備可敗

軍行自表異致敗

師行衆悲恐則敗

聲感人附

守則有餘

守拒法附

孫子曰視卒如嬰兒可與之赴深谿視卒如愛子可與之俱死